

Канон преподобному Савве Сторожевскому

Память празднуем 3 (16) декабря

Тропарь, глас 8-й

Пустьни явился еси доброе прозябение, преподобне: от юности бо изволил еси чистое житие, духовному твоему учителю последуя, и того учением ум к небесным вперив, и стаду твоему премудр наставник показался еси. Тем и Христос яко пресветла ты светильника чудесы обогати: Савво, отче наш, моли спастися душам нашим.

Канон, глас 6-й

Песнь 1

Ирмос: Яко по суху, пешешествовав Израиль по бездне стопами, гонителя фараона видя потопляема, Богу победную песнь поим, вопиаше.

Припев: Преподобне отче наш Савво, моли Бога о нас.

Настави мя, Господи Боже мой, да возмогу благочестно, угодника Твоего преподобнаго Саввы славное и честное восхвалити торжество.

Преподобне отче наш Савво, моли Бога о нас.

Мужески подвизался еси, и зарю духовную восприем, взялся еси к высоте небесней, и ныне со Ангелы прославляеши.

Слава: Оружием креста ограждаяся, преподобне, всю силу противнаго победил еси, и до конца сего без вести сотворил еси.

И ныне: Пресущное Слово, существо наше прием от чистых кровей Твоих, богосодела нас, тления избавив, Чистая: сего ради Тя присно славим.

Песнь 3

Ирмос: Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Преподобне отче наш Савво, моли Бога о нас.

Молчанием язык обуздal еси, и немятежным житием, во плоти ангельски, отче, пожил еси.

Преподобне отче наш Савво, моли Бога о нас.

Воистинну благия жизни сподобился еси, преподобне, чистотою и пощением сию обрет. И ныне со безплотными вопиеш: несть свят паче Тебе, Господи.

Слава: Трисиянным Светом озарен, и благодать Духа Святаго вселися в тя, преподобне, возлюбльши чистую твою душу, и непрестанно вопиеш: несть свят паче Тебе, Господи.

И ныне: Разумети Рождества Твоего, Чистая, неизглаголанную глубину, недоумет ум человек: Бог бо, истощив Себе за милосердие во утробе Твоей, всего мя обновил.

Господи, помилуй (трижды).

Седален, глас 4-й

Мраз нощный претерпел еси, и тяготу вара дневного понесл еси, и сих ради вечное наслаждение и пищу присноживущую восприял еси, Христов угодниче блаженне Савво: моли спастися душам нашим.

Слава, и ныне: Чистая, Всенепорочная и Неискусомужная, Яже Единая Безлетного Сына и Слова Божия в лето рождши, Сего со святыми и честными патриархи, мученики, пророки и преподобными моли, даровати нам очищение и велию милость.

Песнь 4

Ирмос: Христос моя сила, Бог и Господь, честная Церковь боголепно поет, взываючи, от смысла чиста, о Господе празднуючи.

Преподобне отче наш Савво, моли Бога о нас.

Безмерное смирение возлюбив, своея мысли зрительное очистил еси, и ныне, в райских селениях водворяясь, вопиеша: слава силе Твоей, Господи.

Преподобне отче наш Савво, моли Бога о нас.

Слезными потоки, преподобне, землю сердца твоего напоил еси, предстоя в молитве неколеблен, Творцу всех взывал еси: слава силе Твоей, Господи.

Слава: Не забуди стада твоего, преподобне, еже мудре собрал еси и в жизни сей упасл еси благочестно: потщися, отче наш Савво, ввести во ограду небесную.

И ныне: Чистоты жилище, селение Владыки всех, и пророков всех событие, Богорадованная Чистая, поющая Тя ущедри.

Песнь 5

Ирмос: Божиим светом Твоим, Блаже, утренюющих Ти души любовью озари, молюся, Ты веди, Слове Божий, истинного Бога, от мрака греховного взывающа.

Преподобне отче наш Савво, моли Бога о нас.

Бодренными бденими, блаженне, и чистыми воздыханиями, благодать Духа возраст в тебе, отче, и славна ты, Савво, показав.

Преподобне отче наш Савво, моли Бога о нас.

Владычье смирение восприим, воду почерпая на рамах своих носить изволил еси: начальника трудоположна во всем себе показал еси.

Слава: Преблаженне, богоприятне отче наш Савво, непрестанно стадо твое вопиет ти: молитвами твоими ко Господу спаси ны, молимся.

И ныне: По рождении страшнем пребыла еси Дева, якоже прежде. Бог бе рождейся, устрояя вся волю, безвестная Марие Богоблагодатная.

Песнь 6

Ирмос: Житейское море, воздвигаемое зря напастей бурю, к тихому пристанищу Твоему притек, вопио Ти: возведи от тли живот мой, Многомилостиве.

Преподобне отче наш Савво, моли Бога о нас.

Страдания подвиг твоих, преблаженне, клас Божественный возрастил еси: и питаеша благочестно восхваляющия ты, Савво преподобне, отче наш.

Преподобне отче наш Савво, моли Бога о нас.

Князя прошение, отче, со тщанием исполняя, храм Богоматере воздвигл еси, в немже праздничною радостью монахов множества веселятся, память твою прославляюще.

Слава: Каплями потоков твоих, преподобне, врагов ополчения поправил еси, и достиг еси ангельския невестественныя лики.

И ныне: Всеблагая Владычице, Яже Препоблагого Бога плотию рождши, озлобленное страстьми мое сердце очисти, да верою и любовью величаю тя.

Господи, помилуй (трижды). Слава, и ныне:

Кондак, глас 2-й

Господним желанием распалився, страсти плотския воздержанием оттряс, Божественного Света незаходимое светило явился еси, чудес лучами всех просвещаяши притекающих к раце мощей твоих, Савво преподобне, отче наш.

Икос

Всесильное Духа Святаго действо Боговидно в тя вселися, и боголепными манованиями благодетелю идый к горе, идеже хотел еси обитель воздвигнути, и якоже небесный рай благовонными насажден цветы, сию обрет, вселился еси, и храм Богоматере чуден воздвигл еси, монахов множество собрал еси, и сия добродетельными деянии светло блистающая, воздержании мудростная воображь. И ныне, в память твою сошедшеся, вопием ти: моли о нас, Савво преподобне, отче наш.

Песнь 7

Ирмос: Росодательну убо пещь содела Ангел преподобным отроком, халдеи же опаляющее веление Божие, мучителя увеща вопити: благословен еси, Боже отец наших.

Преподобне отче наш Савво, моли Бога о нас.

Пучиною слез твоих, пребогате, злоначальнаго змия потопил еси, яко победоносец изряден к небесным возлетел еси, непрестанно вопиеша: благословен Бог отец наших.

Преподобне отче наш Савво, моли Бога о нас.

Житие незлобиво имел еси, и непорочно, и украшено поты страдания, прехвальне, Божественного светолития исполнився, взывал еси: благословен Бог отец наших.

Слава: Хвалится, преподобне, град твой, яко венцем царским обложися, имея мощи твоя в себе, яко добра гражданина от Бога приял есть.

И ныне: Препетая Дево, препетаго Бога рождающая, поющая тя причастники покажи света, и избави геенны огня, и всякаго вреда вражия молитвами твоими.

Песнь 8

Ирмос: Из пламене преподобным росу источил еси, и праведнаго жертву водою попалил еси: вся бо творяши, Христе, токмо еже хотети. Тя превозносим во вся веки.

Преподобне отче наш Савво, моли Бога о нас.

Мудрование плотское умертвил еси, чести и имения совлеклся еси, от земли к небесным взыти тщаяся, и вся пети научая: Господа пойте, и превозносите Его во веки.

Преподобне отче наш Савво, моли Бога о нас.

Сердца Твоего бразды, отче Савво, мудро возделал еси, слезными тучами сия напоил еси, и благоуханно миро принеслся еси Христу, Ему же вопиеша: Господа пойте, и перевозите Его во веки.

Слава: Христу принося, блаженне, пощения и слезы, и непорочную молитву, ризную лепоту, и мягкия одежды власяными рубы пременял еси, сим показуя глубочайшее смирение.

И ныне: Избавльшися первыя клятвы Рождеством Твоим, всеблагословенная Отроковице Богорадованная, Гавриилево Тебе глас возсылаем: радуйся, виновная всех спасения.

Песнь 9

Ирмос: Бога человеком невозможно видети, на Него же не смеют Чины Ангельстии взирати; Тобою бо, Всечистая, явися человеком Слово воплощено, Его же величающе, с Небесными вои Тя ублажаем.

Преподобне отче наш Савво, моли Бога о нас.

Видети славу Вседержителя желая, обновил еси души крепость, и славою обогатился еси небесною.

Преподобне отче наш Савво, моли Бога о нас.

Честное украшение благодати, отче преподобне Савво, испроси нам во бранех крепость, и здравие телесе: яко да непрестанно тя величаем.

Слава: Чины Ангельстии тебе, отче, сретоша, и праведных собори возвеселишася, и от вседержительных десницы Владычни венчался еси. Тем же ты достойно величаем.

И ныне: Светом Твоим мя, Богорадованная в женах Дево, просвети, молюся, и огня вечнаго избави мя: яко да величаю Тя, и по долгу да воспою величия Твоя.